

四庫全書

子部

欽定四庫全書

子部

證治準繩卷一百十五

纂校官太醫院羅表天錫<sub>臣</sub>

編修<sub>臣</sub>倉聖脈覆勘

總校官進士<sub>臣</sub>朱鈐

校對官助教<sub>臣</sub>卜維吉

謄錄監生<sub>臣</sub>徐漢

欽定四庫全書

證治準繩卷一百十五

明

王肯堂 撰

外科

惡瘡

諸痛痒瘡皆屬於心諸濕滿皆屬於脾心主血脾主肉血熱而肉濕濕熱相合潰敗肌膚淫不休不可以定名命之故謂之惡瘡也然有辨焉如疥癬癩疹之屬怫鬱

氣血在皮膚腠理間者可以表而散內經有謂汗之則  
瘡已者是已若鬱氣血在肌肉之分外連皮膚作寒熱  
而生膿者或七情所招或膏粱之變皆宜解內熱不宜  
汗也張仲景所謂瘡家不可發汗汗之則瘡者是已一  
瘡而有宜汗不宜汗之別熱有淺深表裏故也故瘡在  
皮膚則當因其輕而揚之汗之浴之外以殺蟲潤燥皆  
鮮凝結涎沫之藥傳之瘡在肌肉則當因其重而減之  
瀉經絡之熱清涼氣血外以化膿生肌膏燻之瘡在頭

項則當射而取之用酒製寒涼劑更以風藥升而上之外以殺蟲解熱藥傳之能明此三者其於治瘡思過半矣

乳香消毒散

寶鑑

專治惡瘡

大黃

煨

黃芪

牛蒡子

炒

金銀花

各五兩

甘草

三兩 牡

礪

鹽炮煨  
燒五兩

乳香

沒藥

懸萎

各半兩

右為粗末每服伍錢水煎瘡在上食後

在下食前

連翹飲

治諸惡瘡紅赤痛痒心煩口乾及婦人血風

班圓點開裂成瘡痒痛流黃水汁

連翹 當歸 瓜蒌根 生乾地黄 荆芥 黃

芩 赤芍藥 麥門冬 瞿麥 木通 牛蒡子

炒 山梔子 防風 川芎 粉草 各等分

右咬咀每服肆錢水一盞半燈心貳拾莖煎至捌分

去滓不拘時服

救苦黃芪散 治惡瘡癰癤

黃芪 當歸 芍藥 瓜蒌根 甘草 各一兩 伍錢 瓜

萹一錢金銀花

二兩熟地黄

不拘多少皂角刺為引

右咬咀每服半兩無灰好酒壹升同引子裝入磁瓶  
內瓶頭用箬葉封將瓶坐於鍋內上以火盆覆鍋口  
盆外以黃泥封之勿令出氣煮至外聞藥香為度取  
出瓶澄定飲清將藥滓再添酒壹升依前煮服若飲  
少者酒水各半煎服瘡在上食後臨卧服在下空心  
服此藥治病萬無一失神驗如谷庶聲常於五月五  
日修合

托裏金銀地丁散 治諸惡瘡腫毒疼痛

金銀花 黃連 當歸 紫花地丁 赤芍藥

黃芪 人參 甘草節 桔樓 大黃 各半 麥門

冬心前胡 甘草 微炙各一兩

右咬咀每服伍錢水一盞酒一盞煎至捌分去滓隨病上下溫服

紫花地丁散 治諸惡毒瘡腫痛如神

紫花地丁 當歸 大黃 赤芍藥 金銀花



黃芪 各半 甘草節 貳錢

右吹咀每服一兩用水一盞酒一盞同煎一大盞去

滓隨病上下服

增益四物湯 治一切惡瘡

川芎 當歸 芍藥 地黃 防風 荊芥 甘

草 各等分 鳳尾草 斟量加入

右剉碎每服三大錢水一盞半煎至捌分去滓食前

溫服

治惡瘡入腹心嘔逆藥食不下

荳粉

半兩

乾臙脂

三錢

定粉

二錢

右為細末新水調下

碧霞挺子

治惡瘡神効了不覺疼痛者

銅綠

礪砂

各二錢

蟾酥

一錢

右為細末燒飯和作麥蘖挺子每刺不覺痛者須刺出血方維藥在內以膏藥貼之

蝕惡瘡方 非奇異惡瘡不可用

銅綠二錢 硃砂一字 石膽礬半錢  
研細

右為細末傳之

治惡瘡或有小蟲

膽礬 輕粉 乳香各一錢 龍骨 虎骨 露蜂房

白礬各二錢半 硃砂 土蜂房 雄黃各二錢 麝香伍分

片腦一字

右為細末刺破鹽水洗看緊慢上藥神效

拔毒散 治諸惡瘡消腫去毒

天花粉 無名異 黃芩 木鼈子 大黃 牡

蠣 各等分

右為細末好醋調敷貼立効

桑螵蛸散 治諸惡瘡

桑螵蛸 地龍 貝母 黃礬 各半兩 號丹 煨一兩 乳

香 二錢半 粳米粉 二錢 麝香 半錢 雄黃 輕粉 各一錢

右為細末以新汲井水和沙糖調傅

洗瘡藥 洗諸般惡瘡

貫衆 川芎 茵陳 地骨皮 荊芥 獨活

防風 地扁蓄 甘草

各二錢 當歸三錢

吹咀水三椀煎三沸去滓通手洗之

又洗藥

白芷 荊芥 萎蕤 何首烏 茯苓 苦參

川芎 白牽牛 防風 蔓荊子

各一錢

為細末用漿水肆盞煎五七沸臨卧洗淨塗後藥

塗藥

輕粉 白礬

舶上硫黃

各等分

右為細末用酥油調臨睡塗三次

萬寶代針膏

治諸惡瘡腫核赤暈已成膿不肯用針

刺膿此藥代之但用小針點破瘡頭却貼上膏藥膿

即自潰此秘妙良方

蓬砂 血竭

輕粉

各一錢半

金頭蜈蚣

一條

蟾酥

半錢雄

黃片腦

少許麝香一字

右為細末用蜜和為膏看瘡有頭處用小針挑破以

些少紙花上封貼次早其膿自出如腋下有要核兒  
名暗疔瘡或有走核可於腫處用針挑破如前用之  
忌雞羊魚酒麪等物喫白粥三日為妙

龍葵散 治諸惡瘡多出膿水不乾

龍葵

即天  
茄子

景天

即慎  
火草

黃連

去  
鬚

天靈蓋

各  
兩

龍骨

木鼈子

乳香

黃蜀葵花

各半  
兩

右為細末入膩粉少許密調隨瘡大小紙攤貼之

神效方 治一切惡瘡醫所不識者

水銀 黃礬 黃連 松脂 黃明 膩粉 土蜂窠

著壁 upper 者南方多有之或云蛭蠟窠 甘草 各等分

右將水銀放掌中以唾津殺為泥入磁器中以生麻油和研生絹濾如稀糊和藥末細研如稠飭先溫水洗瘡帛拭乾塗之一切無名瘡塗一次即差有黃水者塗之隨手便乾痒不堪忍者塗之立止痛甚者塗之立定治疥尤佳抓破敷藥

乳香散 治遠年惡瘡



乳香

膩粉 各半錢

黃檗 去粗皮

龍骨

大黃 劉各三錢

香 字一

右為細末先以苦竹瀝洗瘡拭乾摻藥

熊膽膏 治一切惡瘡

熊膽 研一錢

膩粉 一錢二分半

雄黃 研

麝香 研各半錢

檳榔 研一

字

右研勻於臘日用積猪膽一枚取汁和藥仍入在膽  
內用綿繩繫定揉勻以松明黑焰熏遍掛於陰處如

惡瘡有指面大者用如黍米大貼之如錢大者用如  
菜豆大貼之恐藥乾難貼薄以津唾調如稀糊塗之  
仍用薄樺皮蓋貼以帛子繫之藥不可多用

烏金膏 治一切惡瘡

桑枝 槐枝 榆枝 枸杞枝 桃枝 柳枝

右各長一尺粗如小指俱一寸截劈肆破用油肆兩  
炒令焦黑濾去滓入鉛丹半兩蠟一兩復熬令黑色  
傾在甕合內候冷以新汲水浸出火毒用塗瘡

桃花散 治一切惡瘡生肌活血治金瘡去風

烏魚骨

虎骨

龍骨

各一兩

寒水石

半斤

白石脂

赤石脂

白薇

各半兩

薰丹

少許

右入白芨半兩同為細末量瘡大小敷貼

### 丹毒

內經運氣丹燥皆屬火經云少陽司天客勝則丹疹外發及為丹燥是也 聖惠云夫一切丹毒者為人身體忽然變赤如丹之狀故謂之丹毒也或發手足或發腹

上如手大皆風熱惡毒所為重者亦有疽之類也若不  
忍治則痛不可忍久則壞爛出膿血數升若發於節間  
便令人四肢毒腫入於腸則殺人小兒得之最為急也  
戴復菴云發丹色狀不一痒痛亦異大概皆因血熱  
脈虛風邪所搏而發然色赤者多以赤故謂之丹宜消  
風散入燒楓樹子存性為末酒調服有發而色白者謂  
之冷癩宜消風散雜黑神散酒調此病多緣肌肉疎為  
風邪所襲而成風熱則赤風冷則白今人但呼赤為丹

白為瘰所以用酒調土硃服之而愈者亦以脾主肌肉  
土能入脾各從其類古方亦名為癭疹非特分寒熱亦  
兼備四氣近世方論呼為白婆瘰赤為血風赤白二證  
並可用烏藥順氣散和消風散酒調服白者多用順氣  
散赤者多用消風散病此者俱宜用藿香正氣散煎有  
人一生不可食雞肉及魷魚動風等物纔食則丹隨發  
以此見得係是脾風脾主身之肌肉藿香正氣散乃治  
脾之藥而土硃亦入脾之藥此方屢試屢驗 丹溪云

內傷痲者胃氣極虛一身之火游行於外所致宜補以  
降之 嘗治一中年男子癱潰後發熱乾嘔背發丹熲  
用諸般敷貼丹熲藥及用刀於箇箇丹頭出血丹皆不  
退後以二陳生薑加補劑治嘔不効遂純用參半兩歸  
木各錢半濃煎一貼嘔止二三貼丹漸緩熱漸減約五  
十餘貼熱始除神氣始復

金花散 治一切丹毒熱痛焮赤

鬱金

黃連

黃芩

各一兩

糯米

三合

右為末每用蜜水調如泥雞翎掃丹上乾即易之

治一切丹毒惡氣攻刺身體赤腫疼痛不可忍

簡要濟衆

車前草 益母草 地膽草

右等分爛研塗乾再塗之

如無新者只以乾者為末冷水調

治一切丹毒惡氣五色無常不即療之痛不可忍若皮膚潰壞則出膿血或發節解則斷人四肢此蓋疽之類也宜速治之

方大蒜或小蒜

右杵如泥厚塗之乾即再塗以差為度

又方

赤小豆

一升 羊角

燒灰

半兩

右為末雞白和塗如無羊角即單用小豆亦良

治一切丹毒走皮中浸淫疼痛方

蟻螬

研

右以雞子白和塗乾再塗

先刺破塗之良

治一切丹毒偏身

芸薹子

一兩



右以酒一大盞和研去滓煎五七沸無時溫服一合  
孫真人云治丹神驗方擣芸臺葉傅之即差未愈但  
三日內傅之臣以貞觀十七年三月八日內江縣每  
以飲多至夜睡中覺四肢骨肉疼痛目眩頭痛額角  
上如彈丸大腫不得手近痛至午時至右角至夜諸  
處皆到其眼合並不得開幾至於斃縣令周公種  
藥治不差經七日臣自處此方其効如神故疏之以  
傳於世 又戴行之家傳方云如無青者以乾者為

末水調傳凡丹毒遍身或連腰腹周匝百方不能治  
惟此輒能治之凡治二十四般丹毒

仙人水鑑治火丹

蕎麥麵

黃連

各少  
許

右二味同研細塗立差切不得入油及鹽孫真人曰  
丹毒一名天火肉中忽有赤如丹塗之狀大者如掌  
甚者遍身有痒有腫無定色或有白丹肉中腫起痒  
而腹痛微虛腫如發癩疹狀亦有雞冠丹赤色而起

大者如錢小者麻豆粒狀如雞冠色皮澁一名茱萸  
丹或有火丹或有水丹遍身起遇水濕侵之晃晃然  
如黃色如有水在皮中喜著服及陰此雖小疾令人  
至死也

治丹毒搗方

升麻

漏蘆

芒硝

各二兩

梔子

二十枚

黃芩

三兩

蒴藋

五兩

右件以水三升浸良久煮取二升以故布染汁搗後

須服漏蘆湯

漏蘆湯方 非裏實證不可用

漏蘆 白薇 黃芩 麻黃 白薇 枳殼 升

麻 芍藥 甘草 大黃

各三兩

右以水壹斗煮三升分三服快下之無藥之處只單用大黃下之

五香湯 主熱毒氣卒腫痛結核或似癰疽使人頭疼  
寒熱氣急者數日不除殺人方

青木香 藿香 沉香 丁香 薰陸香

各一兩

右以水伍升煮取二升分三服不差更服之

劉涓子鬼遺方治丹癰疽始發焮熱浸淫長成搗湯方

升麻

黃芩

各三兩

黃連

大黃

各二兩

當歸

甘草

各一兩

芎藭

二兩

芒硝

三兩

麝羊角屑

一兩

右咬咀以水壹斗叁升煮取伍升絞去滓鎊中納芒硝上火攪令成沸盡滓稍分適冷熱貼帛搗腫上數過其熱隨手消散王練甘林所秘不傳此方也

朱氏家傳治火丹

伏龍肝

豬槽下土

多年者

硃砂

少許

右為末雞子清調鵝毛掃

又方

躑躅花根

曲蟮土

壁上多絲蟲窠

百草霜

伏龍肝

豬槽下土

右如上法用之

鬱金散

鬼遺

治一切丹毒

鬱金 黃芩 甘草 山梔子 大黃 黃連

糯米 已上各一兩

右七味生為末冷水和少生蜜調藥以鵝毛掃之

長沙醫鄭愈傳治大孕丹諸般毒聖塗散

凌霄花

萬州黃

各一分 苧根

半兩切焙

右同杵爛以酒和蜜同調服少許仍塗丹上立効

麻黃散

千金

治惡毒丹及風疹

麻黃 升麻

葛根

各一兩

射干

雞舌香

甘草

灸各  
半兩 石膏半  
合

右咬咀以水參升煮取一升大人作一服三歲兒分

三服日三

本事治烟火丹發從背起或兩脇及兩足赤如火景天  
草真珠末一兩搗和如泥塗之又方治螢火丹從頭起

慎火草

即景天

搗和苦酒

塗之

丹毒藍靛傅熱即易

子母秘錄

肘丹者惡毒之瘡五色無常芋根三斤水三斗煮汁每

日塗之



治赤丹用黃瓜種中瓢水去子以器貯之用時以水塗患處 又方用臘雪貯器中久化為水以水塗赤游妙

並初虞世

治諸丹毒腫蚯蚓矢水和傅之

聖惠方外臺同

治諸丹癰疹方酪和鹽煮以手摩之手下消

治赤游風腫蕎麥麵苦酒調傅

兵部手集

丹治熱赤游丹括萋末二大兩醞醋調塗之

治五色丹毒煮栗皮有刺者洗之佳

拔毒散 治熱毒丹腫游走不定

石膏 寒水石

並生用  
各四兩

黃礬

甘草

各一兩

右為細末以新水調掃之或紙花子小貼尤佳涼水

潤之

十二件單方 治丹毒或得一物瘡

水苔 生地黃 生松葉 蒴藿葉 慎火草

浮萍

豆豉

和水

大黃

和水

梔子

和水

黃芩

和水

硝石

豆

葉

右一十二味但得一味調以貼之即瘥赤小豆末和雞子塗之無雞子水和用之

療竈丹從兩鼻赤如火燒

右用五加葉燒作灰五兩取煨鐵槽中水和塗之

治丹毒瘤

蜈蚣

乾者一條

白礬

如皂子大

雷丸

一個

百部

二錢

右為細末醋調塗之

郭氏金黃散 治熱毒丹流遊走不定疼痛不止

寒水石

二兩

鬱金

一兩

藍實

大黃

黃檗

黃連

景天

各一兩

右為細末用雞子清調敷水亦可

風丹痛者為丹毒痒者為風丹

賈宅小娘風痒黃精丸四十粒與

白朮

七分

枳實

炒

黃芩

四錢

右分八貼下之食前

遍身風痒癢疹凌霄花細末酒下壹錢立止

鮑允中年五十歲風丹痒甚腹微疼咽不利面身微腫  
五六日不退兩寸脈滑大實右浮大左浮弦小以炒芩  
炒連歸芍芍地桔草黍粘紫葳各一錢防風黃芪各半  
錢服五六帖而安

世河間神佑丸

治風丹愈而復發或隔一月發或隔半年發者此丸下之百發百中方見雜病

水腫  
門

丹一人患風丹遍身痒因酒得者

浮萍

半兩

防風

黃芪

羌活

三錢

當歸

二錢

乾葛

麻

黃生甘草

一錢半

世治冷丹風

防風 甘草 白僵蠶 蟬退 川芎 白芷

茯苓 荆芥 陳皮 厚朴 蒼耳子 人參

右為末豆淋酒調服二錢

丹痒者用茶葉摻些鹽與香油以手摩熱於丹上搯之

立愈 治風丹用川山甲洗去腥於瓦上炒過存性每

一兩入甘草三錢為末米飲調服 治血風疙瘡瘡癩

瘡浮萍搗取自然汁豆淋酒下四物浸酒下亦得

丹用羊蹄菜根於生鐵上以好醋磨旋旋刮取塗患處  
未瘡更入關黃少許磨塗之

### 赤白遊風

薛赤白遊風屬脾肺氣虛腠理不密風熱相搏或寒閉  
腠理內熱怫鬱或陰虛火動外邪所乘或肝火風熱血  
熱治法若風熱用小柴胡湯加防風連翹血熱用四物  
加柴胡山梔丹皮風熱相搏用荆防敗毒散內熱外寒

用加味羌活散胃氣虛弱用補中益氣湯加羌活防風  
及消風散血虛用加味逍遙散陰虛逍遙散六味丸若  
肝腎虛熱用六味丸則火自息風自定痒自止若用祛  
風辛熱之劑則肝血愈燥風火愈熾元氣愈虛腠理不  
閉風客內淫腎氣受傷相火翕合血隨火化反為難治  
矣 一男子秋間發疔瘡此元氣虛而外邪所侵也先  
用九味羌活湯數劑又用補中益氣加羌防而愈後不  
慎起居盜汗晡熱口乾唾痰體倦懶言用補中益氣湯



加減八味丸而愈 一婦人身如丹毒搔破膿水淋漓  
熱渴頭暈日晡益甚用加味道遙散而愈 一婦人患  
赤白遊風晡熱痒甚余用清肝養血之劑不信乃服大  
麻風藥臂痛而筋攣又服化痰順氣之劑四肢痿弱而  
歿 一婦人患前症數用風藥煎湯泡洗以致腹脹而  
歿 一女子赤遊如霞作痒發熱加味小柴胡湯加生  
地黃連翹牡丹皮而愈

如水散 治風邪熱毒壅滯肌肉榮衛不宣蘊積成腫

血溢膚腠如丹之狀風隨氣行遊無定處邪毒攻衛

焮赤熱痛

芒硝

五兩  
另研

寒水石

蛤粉

各三兩

白芷

一片

腦

一錢  
另研

右為細末研和每用新汲水調稀稠得所以雞翎塗  
掃不令藥乾

治赤遊腫方

川大黃

二兩

慎火草

五兩

右各搗塗之乾即再塗

治赤遊腫流遍身赤色入腹即死方

右用生豬肉傅上數數換之其肉蟲烏俱不食臭惡甚也

紫白癩風

白駁  
瘍風

海龍蛇散 治風虛頑麻遍身紫白癩風癰痒痛者

白花蛇

去骨  
焙

黑梢蛇

去骨  
焙

萆薢

天麻

黃芪

金毛狗脊

自然銅

骨碎補

楓香

研草烏頭

鹽水地龍

各一  
兩

乳香

沒藥

各三  
錢

麝香

三  
錢

右為細末酒糊丸梧子大每服十五丸酒下食後為  
末酒調服亦得

羅何首烏散 治白癩紫癩諸風筋骨疼痛遍身疥癬  
手足皸裂睡卧不穩行步艱難兼療癘疾眼斷白仁  
鼻梁崩塌並宜服之

何首烏 蔓荊子 石菖蒲 荊芥穗 甘菊花

枸杞子

苦參

去蘆

威靈仙

各半兩

右為細末每服三五錢食後溫酒調下或茶清或蜜

水亦得日進二服

當歸散

治皮風紫白癩風

當歸

去蘆

赤芍藥

苦參

去蘆各半兩

赤土

一兩

右為細末生豬脂二兩熬油去粗同蜜一兩作一處調藥隔一宿每服一大匙熱酒調下空心食後各一服並忌雞鴨無鱗魚豆腐等物

本事烏頭丸

治宿患風癬遍身黑色肌體如木皮膚

麤澁四肢麻痺

草烏頭一斤入竹籬內以水浸用瓦片於籬內就水中瀧洗如打菱角法宜候瀧洗去大皮及尖控起令乾用麻油四兩鹽四兩入銚子內炒令深黃色傾出油只留鹽并烏頭再炒令黑色烟出為度取一枚劈破心內如米一點白恰好如白多再炒起熱取羅為細末酒糊丸如桐子大每服三十九丸空心晚食前溫酒下真州資福菴文雅白老有此疾服數年黑黥頓除腳力強健視聽不衰有一宗人遍身患紫癩風身

如墨服逾年體悅澤予服之一年諸風疥瘡瘍皆瘥  
但差熱雖云去毒要之五七日作烏頭粥啜之為佳  
粥法用豫章集中者佳

治紫白癩風塗藥

白礬

綠礬

生砒霜

各一錢

右研極細如粉用生茄子蒂蘸擦患處先浴後擦

二黃膏

治紫白癩風瘡癬疥

雄黃

雌黃

砒霜

各半錢  
並另研

白礬

黃丹

並另研  
蛇

牀子

為蘭茹各一兩

白膠香

另輕粉各一錢

右件用清油四兩入巴豆四粒煎黃色去巴豆入諸

藥又入黃蠟少許熬成膏子先用荆芥湯後用藥擦

神効

四神散 治紫白癩風

雄黃

雌黃

硫黃

白礬

各等分

右研為細末每用時先浴令通身汗出次用生薑蘸

藥擦患處良久熱湯洗當日色淡五日除根



又方

紫癩白癩兩般風附子雄黃最有功薑汁調勻茄蒂  
蘸擦來兩度更無蹤

世紫白癩風貝母為末以胡桃肉蘸洗浴後擦之神効  
又方以信石好者為上研極細用真香油調如薄粥  
過一宿取清油傅之愈

又方用金獅草挪碎擦之累効

丹又方杜大黃 飛礬

右以肥皂為丸擦之

紫癩風夫紫癩風者由皮膚生紫點搔之皮起而不痒痛者是也此皆風濕邪氣客於腠理與氣血相搏致榮衛否溢風冷在於肌肉之間故令色紫也

白花蛇散 治紫癩風

白花蛇

二兩

晚蠶蛾

二錢半

白僵蠶

炒

烏犀角屑

麻

黃節

何首烏

天南星

薑製

天麻

白附子

炮

桂心

葶藶

酒浸

白蘚皮

羌活

去蘆

蔓荊子

防風

去蘆

各半

兩磁石

一兩醋淬  
為末研

右為細末入研令勻每服二錢食前溫酒調下忌熱  
麵豬魚蒜等物

酸石榴丸

治紫癩風其効如神

酸石榴

七枚去皮斃盆內盛隨  
炊飯甑上蒸爛絞取汁

羌活

去蘆

防風

去蘆

薄

荷葉

人參

去蘆各  
二兩

羌蔚子

白附子

炮

苦參

去蘆

烏喙

犀角屑

各半  
兩

冬消梨

二十枚去皮  
核搗取汁

右件為末取前二味汁煎如膏和丸如梧桐子大每

服二十九溫酒送下不拘時候

桑枝煎 治紫癩風

桑枝

十斤 益母草 三斤

右件用水五斗慢火煮至五升濾去粗入小鑊內熬為膏每夜臨卧服半合溫酒調下

硫黃膏 治紫癩風

硫黃

白礬

並細研 各一兩

硃砂

細研

白附子

各半兩

附子

雄黃

細研 各七錢半

蛇蛻

一條

右為細末入研令勻用清油四兩黃蠟二兩先煎油  
三五沸下蠟後入藥末煎成膏每取塗所患處日三  
度用之

灰藿膏 治紫癩風

灰藿草

不以多少燒作灰用重  
紙襯水淋取汁熬膏

蝦蟇灰

白礬灰

硫黃

各半  
兩

雄黃

二錢  
硃砂

七錢  
水飛

膩粉

研  
麝香

各  
一

研錢

右外藥為細末同研令勻用灰藿膏調塗所患處乾

即再塗之

治紫癩風

硫黃

二兩  
細研

右先用篋布擦患處令傷用面油調藥末如膏一日  
三度塗之

白癩風夫肺有壅熱又風氣外傷於肌肉熱與風交并  
邪毒之氣滯留於腠理與衛氣相搏不能消散令皮膚  
皴起生白斑點故名白癩風也

烏蛇散 治身體頑麻及生白癩風

烏蛇

三兩  
酒浸

白殭蠶

炒

獨活

去蘆

天麻

胡麻子

各二兩

天南星

二錢  
半

白附子

炮

川烏頭

炮去  
皮臍

桂心

防風

去蘆

細辛

去苗

枳殼

去穰  
麩炒

蟬蛻

各半  
兩

右為細末每服二錢溫酒調下不拘時

防風湯 治白癩風

防風

去蘆

地骨皮

山梔子

王不留行

荊芥穗

惡實

人參

去蘆

生乾地黄

各一兩

甘草

炙七錢半

右吹咀每服五錢水二盞入惡實根少許煎至一盞  
半去粗溫服不拘時候日進二服大有神効

苦參散 治肺藏久積風毒皮膚間生白癩不止

苦參

去蘆  
三兩

松脂

附子

去皮  
臍

梔子仁

木蘭皮

露蜂房

各一  
兩

烏蛇

二兩  
酒浸

右為細末每服二錢溫酒調下不拘時候

摩風膏 治白癩風

附子

川烏頭

防風

各二  
兩

凌霄花

躑躅花



露蜂房

各一兩

右件細剉用豬脂三斤煎煉看藥黃焦去粗候冷收  
麩合中用摩風癩上以差為度

又方

硫黃 蜜陀僧 膩粉 乳香

四味並  
細研

杏仁 白

僵蠶

炒

右為細末酥調成膏用漿水洗瘡以生布擦破塗之  
日夜四五次甚妙

治白癩風

紅灰藿草

蒼耳根莖

各五斤

茄子根莖

三斤

右件並曬乾一處燒灰用水一斗煎湯淋取汁却於  
鐺內熬成膏以麩合盛用好乳香半兩研又入鉛霜  
膩粉各二錢半相和入於膏內用煉成黃牛脂二兩  
入於膏內調攪令勻每取摩塗所患處一日塗三上  
夜塗一上

治白癩風胡桃塗之

胡桃

初生青者五枚

硫黃

半兩細研

白礬

二錢半細研

右件和研為膏日三兩次塗之瘡

治白癩風

附子

一枚生用

硫黃

半兩研

雞子

三個用米醋浸經七日看殼軟取出用白調藥

右為細末用米粉二錢半更研令勻雞子白調塗之

如粉膏 治白癩風

白礬

硫黃

各半兩

右件同研如粉用醋調塗即瘡

治白癩風如雪色

硫黃 香墨

各一兩半

右件同研如粉用生布揩癩上微傷用醋和如膏塗之作瘡未差更塗

三聖膏 治白癩風

硫黃

生研

黃丹

各半兩研

右件用生絹袋盛緊縛定蘸生薑自然汁於白癩上搽之日夜十次自愈

治白癩風

草烏 半兩 巴豆 二錢半

右為細末以醋和為劑用絹布裏定浴後擦之其患處自愈矣

紫桂散 治白點漸長如癬

桂 不以多少去麤皮

右為細末唾津和調傅每日三四次塗傅之甚妙

又方 蘿蔔白汁 生白礬 三錢 先用生布揩令微破

塗之不過三上差

又方 楸木白皮 細剉用水五斗煎取五升濾去粗  
於慢火上再熬如稠膏用不津器收每用膏以手摩  
塗所患處日三五次上効

治白癩風淋洗

桑柴灰

斗三

右納大甑內蒸使氣溜下釜中取湯淋汁熱洗不過  
五六度差

白駮病源論云風白駮者面及頸項身體皮肉色變白與肉色不同亦不痒痛謂之白駮此亦是風邪搏於皮膚血氣不和所生也夫白駮者是肺風流注皮膚之間久而不去之所致也多生於項面點點斑白但無瘡及不癢痒不能早療即便浸淫也

治面上風白駮

弊帛 蟾頭 蛇蛻皮 故麻鞋底 茗帚 甌

帶 各一

兩

右件藥以月蝕之夜盛蝕時合燒灰為末每服一錢  
溫酒調下日進三服更用北散醋調塗之甚妙忌雞  
豬魚肉大蒜等物

治白駮

硫黃

研細

草決明

半夏

生用

櫛樹皮

燒灰

各一兩

蛇蛻皮

一條

燒灰

右為末用清漆和之薄塗白處欲塗藥時先用巴豆  
中截摩白處令皮微起却敷藥二三遍即愈



又方

雄黃

硫黃

並細研

附子

生用各壹兩

右為細末醋調塗之

又方

雌黃

硫黃

各二錢半

蛇蛻皮

二條燒灰

右件同研為末用醋調如膏先以巴豆中截揩白處令皮起然後敷藥三二遍差

又方

硫黃

研

川烏頭

各一兩

為細末醋調塗之

又方

桂心

末為

以唾調塗駮上日再塗即愈

又方

取樹孔中水溫熱洗之然後搗桂心牡蠣等分

為末用面油調塗白駮上日三夜一

又方 先用新布擦令赤用醋摩巴豆塗之効

又方 鰻鱺魚脂

右先洗拭駮上擦令微痛用魚脂塗之一上便瘥

治白駮

用蛇蛻燒末醋調敷上神効

癰瘍風夫風邪積熱居於肺腑久而不散流溢皮膚令

人頸邊胸前腋下自然斑駁點點相連其色微白而圓亦有紫色者亦無痛痒謂之癩瘍風也凡此皆風之與熱伏留肌腠之間氣血不和乃作此疾也

烏蛇散 治癩瘍風斑駁如白癩

烏蛇

三兩

犀角屑

一兩

防風

羌活

並去蘆

黃芩

去蘆

苦參

去蘆各二兩

人參

丹參

玄參

沙參

各去蘆

桂心

秦朮

去蘆寸

川芎

梔子仁

白鮮皮

川升麻

通草

白蒺藜

枳殼

各一兩 麸炒去穢

右為細末每服貳錢溫酒調下食後良久服之忌雞  
豬魚熱麪等物

吹帚散 治面及項忽生白點狀如白癬名曰癧瘍

故吹帚 甌帶 鞋底 蛇蛻皮

各半兩

右四件收藏一處伺候月正蝕時都燒之成灰研令  
細每服貳錢溫酒調下不拘時候仍用醋調藥如膏  
塗敷駁上即消

又方 烏蛇

一條

右為細末每服貳錢用熱豆淋酒調下日進三服

女萎膏

治身體癩斑駁

女萎

附子

雞舌香

木香

白芷

各半兩

麝香

研一錢

右件細剉用臘月猪膏半斤煎藥看黃焦便去滓入麝香攪令勻放凝用麤布擦斑駁上微疼塗之即瘥

蜀水花膏

治癩瘍

蜀水花

鷹糞白

白附子

白薇

當歸

各一兩

麝香

一錢  
另研

右件剉碎用豬脂壹斤合煎諸藥焦黃去粗候冷入麝香攪令勻於瓷合中盛先擦微破敷塗之

蒼耳丸 治癰瘍風

蒼耳葉

不計多  
少陰乾

葇荂子

右為細末每用伍兩取粟米貳合煮作粥即研如膏却用葇荂子淘去浮者炒令黃黑色搗為末用壹兩相和令勻丸如菉豆大每服貳拾丸空心溫酒送下

晚食前再服

又方

附子

硫黃

各半  
兩研

蒼耳

一握  
陰乾

右為細末用醋調先以生布揩擦微赤破敷塗之乾即更塗一方加鐵精無蒼耳

又方

蒟藿

二斤

防已

半斤

並燒灰用水淋取醖汁洗瘰癧

訖後別用醋研防已塗之即愈

又方

羊蹄草根蘸醋於生鐵上磨旋刮取塗於患處未  
瘡更入硫黃少許同磨塗之

又方

青胡桃皮

三枚

硫黃

二錢半  
細研

右件爛搗入醬少許更研令勻先用泔清洗之然後  
塗於患處

又方 烏賊魚骨用三年陳醋研磨如糊先用生布擦  
令肉赤即塗其上



又方 五月收赤脚蜈蚣燒灰醋調塗之

又方 用自死蜚螋為末先用布揩擦患處令熱敷之  
一宿即瘥

### 烏白癩

烏癩夫癩疾皆是惡風及犯觸忌害所得初覺皮毛變  
黑或淫淫苦痒如蟲行或眼前見物如垂絲言語無定  
心常驚恐皮肉之中或如桃李癰疹赤黑手足頑麻針  
刺不覺痛脚下痛頑不得踏地凡食之時開口出氣而

鳴語亦如是身體生瘡痛痒而時如蟲行或兩肘如繩  
縛此名烏癩又有黑癩凡二癩之症大同小異故不別

錄也

蝟皮丸 治烏癩

蝟皮

蚺蛇頭

各燒存性

魁蛤

各一枚

蜈蚣

一條半

蠱蟲

去頭

足翅 蟻螬

焙乾

紅娘子

去頭足翅

水蛭

糯米炒熟

蟹螯

去頭足翅

蛛

焙各三個

鯪鯉甲

三片

龍骨

研

川椒

研

川大黃

黃連

麝香

研

桂心

水銀

各半兩

石膏

細研

川芒硝

各一兩

白

礬

枯

滑石

研水飛

甘遂

與胡麻同炒以胡麻熟為度各二錢半

附子

二枚

炮去皮臍

巴豆

去皮心膜油

雷丸

各拾伍粒

右為細末同研令勻煉蜜和丸如小豆大每服壹丸  
溫水送下空心臨卧各一服未覺每服加壹丸如小  
便莖中痛即有蟲下皆死也細觀形狀痛多即減一  
丸痛少則加至貳丸以瘥為度

右方乃攻毒取蟲之峻劑非灼知臟腑有蟲毒及精  
神可勝攻下者不可輕服仍參薛氏治癘風變症類

症治法用之

見雜病準繩第五

治烏癩皮膚變黑生瘡腫痛殺蟲雄黃藥塗之

雄黃

水飛

金星石

銀星石

紫石英

白石英

太陰玄精石

馬牙硝

白礬

各一兩

右為細末入甕合中用白土泥固濟候乾用炭火伍斤煨通赤即止以土蓋甕藥合候來日取出於濕地上紙襯盆蓋出火毒三伏時再研如粉取楓樹膠煮汁和調每日用塗之以差即止

硫黃散 治烏癩瘡久不瘥

硫黃 雄黃 雌黃 金星石 銀星石 握雪

石 水浮石 寒水石 蜜陀僧 馬牙硝 不

灰木 槐白皮 蟬蛻 亂髮灰 蜂窠灰 蝸

牛子 牡蠣 麝香 已上各錢 白礬 五錢

研細用水銀半兩以津唾殺研如泥另入膩粉貳錢  
半用生清油肆兩調勻每於患處遍塗之立効

大黑神膏 治烏癩及諸癩遍身生瘡及多膿血

川烏頭

芎藭

川升麻

防己

去皮

黃檗

藜蘆

黃連

白礬

細研

雄黃

雌黃

並細研

胡粉

各半兩研

巴

豆

杏仁

各十粒

松脂

亂髮

各如雞子大

右剉如大豆粒用豬脂貳斤并藥同煎以亂髮消盡

為度綿濾去粗後入雄黃雌黃胡粉白礬攪勻收入

甕器中每用塗於瘡上一日至夜三次塗之每次以

熱鹽水洗過然後更塗之藥勿令入口眼

治烏癩殺蟲

雌黃

不拘  
多少

右研如粉用醋和雞子黃攪勻塗於瘡上乾即再塗

蜂房釀酒 治烏癩

露蜂房

伍兩

苦參

四斤

右件細剉用水叁斗煮取壹斗貳升去粗浸麴肆斤  
半炊糯米叁斗入麴葉搜拌如常醞法酒熟壓去糟  
每温一小盞食前服之

白癩夫白癩病者其語聲嘶鳴目視不明四肢頑疼身

體大熱心中驚恐手脚綏縱臂腎拘急內如針刺或生癢疹而起往往正白在皮肉裏鼻有息肉目生白珠當於瞳子視無所見名白癩也

白花蛇散 治癩病語聲嘶鳴者

白花蛇 晚蠶蛾 去頭足翅 天麻 槐子 羌活 防

風 各去蘆 蔓荊子 威靈仙 白鮮皮 枳殼 去穢炒

各一兩 甘草 炙半兩 為細末每服貳錢溫酒調服不

拘時日進二服



鯪鯉甲九 治白癩

鯪鯉甲

三片

蝮蛇

半條

魁蛤

半枚

水蛭

生用

蜘蛛

生用

蟹螯

去頭

足翅

蟲蟲

去足翅

各二個

鱗鱗

生用

蜈蚣

一條

龍骨

半兩研

石膏

與

一兩細

研水飛

白礬

枯

滑石

川芒硝

硝石

水銀

與

石點楮汁

研令星盡

川大黃

黃連

桂心

各半兩

附子

炮去

二枚

雷丸

十枚

巴豆

十二粒去

川椒

二錢

右為細末煉蜜和丸如梧桐子大每服貳丸空心臨

卧溫水送下日進二服

天麻煎 治白癩

天麻

一斤

天蓼木

三斤

右件剉如大豆粒用水叁斗入銀鍋或石鍋中熬至壹斗貳升濾去粗却於慢火上熬如稀飭每服半匙食前用荊芥薄荷酒調下

又方 治白癩

馬鞭草

不以多少

為細末每服壹錢食前用荊芥薄荷

湯調下

苦參酒 治周身白點如脂如榆莢搔之白屑落或痒  
或痛色白漸展世呼白癩

苦參

伍片

露蜂房

伍兩

蝟皮

一具

右剉碎用水參斗煮取壹斗去粗浸細麩伍斤炊黍  
米參斗拌如常醞法酒熟壓去糟每於食前溫飲一

小蓋

治白癩

蟹螯

十四枚

大蝮蛇

一條乾者  
首尾全

右件用酒七升入甕瓶中用糠火煨酒及三升濾去粗收甕合中每用酒塗於白癩上

癩疹

孫真人論曰素問云風邪客於肌中則肌虛真氣發散又被寒搏皮膚外發腠理開毫毛塗氣妄行之則為痒也所以有風疹痛痒皆由於此又有赤疹者忽然起如蚊蟲咬煩痒極者重重疹起搔之隨手落又有白疹者發冷亦有赤疹蓋赤疹者發熱夫風癩疹者由邪氣

客於皮膚復遇風寒相搏則為癩疹若赤疹者由濕熱搏於肌中風熱結成赤疹也遇熱則極若冷則瘥也白疹者由風氣搏於肌中風冷結為白疹兩則極或風中亦極得晴明則瘥着厚煖衣亦瘥也其脈浮而洪浮則為風洪則為氣風氣相搏則成癩疹致身體為痒也

丹溪云疹屬熱與痰在肺清肺火降痰或解散出汗亦有可下者 疹在表者消毒飲子防風通聖散在裏者大柴胡湯四順飲子虛者補中益氣湯皆同傷寒施治

也 朱院君三十餘久患癩疹身腫而紫色予與防風  
通聖散加牛蒡子為極細末每貳錢水盞半入薑汁令  
辣煎食前熱飲之

或問斑疹何如曰方論皆謂緣肌中有濕若涼熱之氣  
所折熱結不散則成赤疹若因風邪所折風熱相搏則  
成白疹赤疹得熱則劇得冷則減蓋熱氣鬱於內故惡  
熱宜冷白疹得陰雨則極得晴則減蓋熱氣散釋於外  
故惡冷宜熱熱搏於血分其邪因并發於表則赤若風

濕搏於氣分則氣液不行因邪并發於表則白夫如是  
然後與治法相應邪熱者故惡熱而喜涼邪濕者故惡  
雨而喜晴矣方論中又有風痞癩者即內經所謂汗出  
見濕乃生痤癩又曰勞汗當風寒薄為鬱乃痤癩即癧  
疹屬也疹痞癩類也此皆謂外邪鬱肌肉玄府之熱者  
矣然則與內經言少陽少陰而君相二火客熱之勝為  
丹疹外發者方論中則無有也故人氣君相二火鬱發  
而變者宜乎未之及耳若此條是人氣所變之一者也

故二火鬱發出血氣之表與外邪所鬱無異更有小兒發痘瘡之外必有出疹一次亦是君相二火發出未盡之胎毒也 初虞世治皮膚風熱遍身生癩疹牛蒡子浮萍等分以薄荷湯調下貳錢日二服

衍義有人病遍身風熱細疹痒痛不可任連腦脛臍腹及隱處皆然涎痰亦多夜不得睡以苦參末壹兩皂角二兩水壹升煎濾淨汁入石器熬成膏和苦參為丸如桐子大食後溫水服二拾九次日便愈千金方治法曰



疹宜煮礬石汁拭之或者煮蒴藿和少酒以浴之良 又

日或者煮石南汁拭之良或水煮雞屎汁拭之餘一切如

治丹方法癰疹為風屎亦名風尸盛者石南湯主之

石南湯

神巧方亦名石南根飲子

治風癰疹瘰之則作瘡風尸身痒

面目腫起

石南葉

神巧南根

乾薑

炮

黃芩

細辛

去苗

人參

去蘆各

一兩

桂心

麻黃

當歸

芍藥

各一兩半

甘草

炙二兩

乾地

黃

七錢半

吳茱萸

一兩二錢半

右為呔咀每服肆伍錢水壹大盞好酒貳合同煎至  
捌分去粗熱服不拘時候衣蓋令出汗

加味羌活飲 治風寒暑濕外搏肌膚發為癩疹增寒

發熱遍身瘙痒隨臟氣虛實或赤或白心迷悶亂口

苦咽乾

羌活

前胡

並去蘆  
各一兩

人參

桔梗

並去  
蘆

甘草

炙

枳

殼

去穢  
炒

川芎

天麻

茯苓

去皮各  
半兩

薄荷

蟬蛻

去頭各

三錢

右為細末每服參大錢水壹盞生薑三片煎至七分  
去粗溫服無時

羚羊角散 治風癩疹遍身痒痛心胸滿悶

羚羊角屑 白鮮皮 白蒺藜 防風去蘆 麻黃去節

甘草炙 羌活去蘆各一兩 枳殼麩炒去穢半兩 人參去蘆 杏仁去皮

尖麩炒 黃芩各七錢半 生乾地黄

右為咀咀每服肆錢水一中盞煎至伍分去粗入酒

壹合更煎一兩沸溫服

皮散 治肺臟風毒遍身瘡疥及風癩疹

枳殼

去穰用炭火燒存性

皮

燒灰各四兩

甘草

炙半兩

荆芥穗

杏仁

各二兩麩炒去皮尖

右件除杏仁用水一椀於銀器內熬去水一半已來  
安放今乾另研細次將各藥末同研勻於篋合內收  
每服三錢食後溫酒調下

犀角散 治風癩疹心悶

犀角屑 川升麻 人參 玄參 沙參 防風

四味各  
去蘆

白鮮皮

白疾藜

各一兩

甘草

炙  
馬牙硝  
各半

兩

研牛黃

二錢半  
研細

右為細末入牛黃末同研令勻每服貳錢用竹葉湯  
調下不拘時

鬼箭羽散 治風癩疹累醫不効

鬼箭羽

白蒺藜

防風

去蘆

白蘇

甘草

炙

白礬

枯各  
一兩

右為細末先用粟米粉伍合炒熟拌每服二錢温熟

水調下不拘時

漏蘆丸 治風癩疹

漏蘆

一兩

枳殼

剉炒  
去穢

苦參

各三兩

防風

去蘆

川大黃

煨

烏

蛇

右為細末煉蜜和搗三二百下丸如梧桐子大每服  
叁拾丸用溫漿水送下食後服

楓香丸 治風癩疹不可忍

楓香 白鮮皮 白蒺藜 蛇床子 羚羊角屑

各一  
兩 川烏頭 炮去皮脾 藁本 去蘆 仙靈脾 蔓荊子 莽

草 赤箭 各半兩

右製服法同前

加味烏荊丸 治癰疹上攻頭面赤腫瘙痒抓之皮脫

落作瘡作痒或痛淫液走注有如蟲行

川烏頭 湯洗浸三五次去皮尖焙乾 荊芥穗 各半兩 當歸 水浸三日洗焙

乾枰 伍錢 一兩 薄荷

右為細末醋煮糊和丸如梧桐子大每服伍拾丸温

酒或茶清

送下

治風癭疹疼痒不可忍

赤土

不拘多少細研

每服壹錢空心温酒調下

治遍體疹風

側子

作末

冷酒調服

治風癭疹痒不止

枳殼

麩炒去穰三兩

為細末每服叁錢水壹中盞煎至七

分去滓温服無時 一方水煮枳殼為煎塗之

治風疹入腹身體腫硬強乾燥



蔓荊子

三兩為  
細末

每服貳錢溫酒調下

又方

白蜜

一合酒二

二味調和空心溫服

又方

白僵蠶

不拘多少  
焙令黃色

右為細末用酒調服之立瘥

烏蛇膏 治風癩疹結腫攻衝遍身發熱痒痛及治筋

脈學急

烏蛇

當歸

去蘆

木鼈子

枳殼

去穢

大黃

各一兩

天麻

附子

苦參

天南星

桂心

細辛

去苗

吳茱

萸

活

去蘆

蒼朮

去粗皮

防風

牛膝

川椒

白

芷

白殭蠶

乾蝎

各半兩

右件藥並生用剉碎以頭醋半斤拌浸一宿用蠟月

煉成猪脂二升於鑪中入藥以慢火煎看白芷變黃

紫色下火濾去粗令淨入於甕合內盛之用摩塗於

所患處立効

葫蘆膏 治風瘙癢疹皮膚中苦痒搔之血出

葫蘆根

薔薇根

各二兩

白蒺藜

附子

獨活

去蘆

白芷

防風

去蘆

苦參

去蘆

川升麻

漏蘆

漢防已

川椒

木香

蛇銜草

茺蔚子

枳殼

一方作枳

實

莽草

犀角屑

各一兩

右件並生用細剉以頭醋浸一宿明旦用銅石銀鍋

中盛慢火上以臘月煉成猪脂二斤半與藥同煎令

白芷赤色膏成濾去粗盛甕合中每取塗摩患處累

用即瘥 一方無薔薇根

莽草膏 治身體赤癩疹而痒癢之隨手腫起

莽草

七錢半

當歸

芎藭

大戟

細辛

芍藥

芫花

川椒

躑躅花

附子

蒺藜根

各一兩

苦

參

二兩

豬膏

成煉者三斤

右件細剉用酒浸一宿豬膏煎之候附子色黃膏成去粗以敷病上日三用之

青羊脂膏 治風熱赤疹搔之逐手作瘡

青羊脂

四兩

甘草

芍藥

各三兩

白芷

白芨

黃芩

防風

去蘆

黃耆

升麻

寒水石

各一兩

石膏

竹

葉

切各一升

右為咬咀先用水捌升煮石膏竹葉取四升去粗浸諸藥豬脂二斤合煎膏成敷病處効

蒟蒻煎

治赤白風癩疹

蒟蒻根

白蒺藜

兔藿

細辛

虎杖

各三兩

辛

夷

白礬

鹽

各二兩

右剉並生用拌勻每藥伍兩水壹斗煮取二升去粗  
再煎至半升用綿蘸藥塗患處頻塗之即効

治風腫及癰疹

白礬

石灰

各一兩

右件為末用生薑自然汁調和如稀糊薄塗患處日  
用一上効

治風癰疹宜用楓香湯洗之

楓香

半斤

芎藭

川大黃

黃芩

當歸

川升麻

甘草

射干

各二兩

苦參

三兩

蛇床子

一兩

右件藥並生用，以咀，每用伍兩水壹斗，煮取伍升，去粗看冷熱洗病，上日三五度。

治風身體生癩疹，宜用蒴藿根湯洗之。

蒴藿根

蒺藜苒

當歸

各伍兩

蛇床子

細辛

各二兩

兩

右件細剉，用水一斗伍升，煮取壹斗，去粗看冷熱洗。患處日用三五度，藥水冷再溫用之。

地骨皮湯 治風癩疹

地骨皮

半斤

當歸

四兩

鹽

二兩

白礬末

一兩

右件細剉每用藥伍兩水九升煮取二升去粗再煎至壹升收斂器中用綿蘸拭患處五七度瘡

治風癩疹 洗神效

蒴藿

白蒺藜

白礬

細研後入

茵芋

馬蘭子

荒

蔚子

細辛

扁何

各二兩

右剉用醋漿水一斗煮取伍升去粗入白礬洗之



治風癩疹百治不瘥神効

白礬

五兩

右為末用酒參合小便壹升煎如稀膏以綿蘸藥於  
上輕手搯之令熱徹入皮膚其風疹須臾消散一  
方只用白礬末酒浸帛蘸染患處

治偏身癩疹

右用石灰不拘多少研極細和醋漿水塗疹上隨手  
即減千金方用石灰淋取汁洗之良

又方 葫蘆煮湯和少酒塗之無不瘥亦可作湯浴

治癩疹痒 芫蔚子莖作湯浴之良

治風疹痒不止

葶藶菜三握搗取汁於疹上熟搯時時取少汁搯令熱徹又續煎椒湯洗之

又方

蛇蛻皮壹條水一升煎取半升鷄翎蘸熱藥湯塗上即瘥

單方 治面目身體生癩或痒或癩子腫起不即治或  
殺人

右用羚羊角燒為灰研令極細以鷄子清和塗之極  
神驗無鷄子水和塗亦妙

癩疹入腹亦能殺人用蠶沙煎濃湯洗之

風癩癩疹成瘡夫風邪客熱在於皮膚遇風寒所傷則  
起癩疹熱多則色赤風多則色白甚者痒痛搔之則成  
瘡也

卷栢散 治風皮膚癢疹及風熱生毒瘡

卷栢

枳殼

麩炒  
去穢

羌活

去  
蘆

麻黃

去  
節

五加皮

各  
一  
兩

赤

箭

天竺黃

藁本

去  
蘆

防風

去  
蘆

芎藭

黃芪

桑

耳

犀角屑

各半  
兩

烏蛇

二  
兩

酒  
浸

右為細末每服貳錢食前薄荷湯調下忌熱麵鷄豬

魚蒜等物

丹參散 治風瘙皮膚赤癢疹瘙痒隨搔生瘡

丹參

人參

苦參

並去  
蘆

雷丸

牛膝

酒  
浸

防風

去  
蘆

白附子

炮

白花蛇

酒浸  
二兩

右為細末每服貳錢食前煎甘草酒放溫調下

升麻膏

治諸熱風毒氣攻衝皮膚搔生癢疹赤起生

瘡兼有黃水結為膿疱痛

川升麻

白蘇

漏蘆

枳殼

連翹

藍葉

黃芩

梔子仁

蒴藿根

玄參

去蘆

大黃

蛇銜

草

川芒硝

犀角屑

各一兩

右件細剉用竹漚叁升拌勻經一宿用成煉豬脂貳

斤同煎候白蘇色焦黃絞去粗令凝用摩塗患處日  
六次瘥

治風瘙癢疹遍身皆痒搔之成瘡

茵陳

生用

苦參

各五兩

右件細剉用水一斗煮取貳升溫熱得所蘸綿拭之

日五七度瘥

又方

蠶砂

一升

右用水貳斗煮取一斗貳升去粗溫熱得所每日頻  
頻洗之

疥癬

夫疥癬者皆由脾經濕熱及肺氣風毒客於肌膚所致  
也風毒之浮淺者為疥風毒之深沉者為癬蓋癬則發  
於肺之風毒而疥則兼乎脾之濕熱而成也久而不愈  
延及遍身浸淫潰爛或痒或痛其狀不一二者皆有細  
蟲而能傳染人也疥有五種一曰大疥炊赤痒痛作瘡

有膿二曰馬疥隱起帶根搔不知痛三曰水疥瘡癩含漿摘破出水四曰乾疥痒而搔之皮起乾痂五曰濕疥薄皮小瘡常常淫汁是也癬之狀起於肌膚癢疹或圓或斜或如莓苔走散內藏汁而外有筐其名亦有六焉一曰乾癬搔則出白屑索然彫枯二曰濕癬搔則多汁浸淫如蟲行三曰風癬搔則痒頑不知痛痒四曰牛癬其狀如牛領之皮厚而且堅五曰狗癬時時作微痒白點相連六曰刀癬則輪郭全無縱橫不定是也治法當



以殺蟲滲濕消毒之藥敷之內服和脾清肺除風散濕  
之劑庶絕其根又面上風癬初起痞癩或漸成細瘡時  
作痛痒發於春月名吹花癬女人多生之此皆肺經蘊  
積風熱陽氣上升發於面部或在眉目之間久而不愈  
恐成風疾治法當清心火散肺經之風熱然後以消毒  
散熱之藥敷之則自愈矣 戴院使云此雖皮膚小疾  
不足為害然瘡有惡瘡癬有頑癬疥癩嗜膚尤為煩擾  
甚至經年累月不能脫洒凡病此者不當專用外傳藥

須內宣其毒可也升麻和氣飲消毒飲四順清涼飲犀  
角飲皆可用

通治疥癬方

升麻和氣飲 治瘡腫癰疥痒痛

升麻 桔梗 蒼朮 乾葛 甘草 大黃煨各一錢

陳皮二錢 當歸 半夏 茯苓 白芷 乾薑 枳

殼各伍分 芍藥一錢

右作一服水貳鍾煎至一鍾食遠服

當歸飲子 治瘡疥風癬濕毒燥痒

當歸 川芎 白芍藥 生地黄 防風 白朮

藜 荆芥 各一錢半 何首烏 黃芪 甘草 各一兩

右作一服水貳鍾煎至壹鍾食遠服或為末亦可

除濕散 大治一切風毒疥癬癩痒狀如風癩

苦參 何首烏 荆芥穗 蔓荆子 薄荷 各一兩

白芷 天麻 川芎 防風 並生用 烏蛇 酒浸一宿焙乾各半

兩

右為細末每服三錢茶酒任調下無時日進三服六日一浴令汗出血氣宣通六日膚澤如故

苦參丸 治遍身癢痒癬疥瘡瘍

苦參

四兩 玄參

黃連

去

大黃

剉碎

獨活

去

枳殼

去

炒

防風

去又各

黃芩

去黑

梔子

菊花

各一

右為細末煉蜜和搗千餘下丸如梧桐子大每服三十丸食後漿水下日進三服茶酒任下亦得

四生散 治腎臟風疥癬等瘡及眼目昏花視物不明

白附子

下注生瘡  
用黑附子

黃芪

沙苑蒺藜

羌活

各二兩

右為細末每服貳錢空心鹽酒調下若於豬腰子切  
開夾藥在內合定拴住紙裏煨熟尤妙又有患赤眼  
睛痛不可忍臨睡一服目反大痛至二鼓時乃得睡  
更三四服大愈再有頑癬經年服藥貼藥俱不効後  
得此藥三四服盡除此方治人腎臟風及眼疾頑癬  
無不効

治面身搔痒明目爽神

威靈甘草石菖蒲苦參胡麻何首烏藥末二錢酒一  
椀渾身瘙痒一時悉止

羌活散 治頑癬疥癩風瘡成片流黃水久不瘥者

羌活 獨活 明礬 白鮮皮 硫黃 狼毒 各一

兩 輕粉 二錢半 白附子 黃丹 蛇牀子 各半兩

右為末油調成膏傅之

疥藥神効散 治乾濕膿窠諸種疥癬

檳榔 蛇牀子 各一兩 全蠍 半兩 倭硫黃 一兩伍錢

右化開硫黃入荊芥末三錢煎數沸候冷加輕粉貳錢冷再碾末加三柰半兩妙右為細末先將小油滾過候冷調上藥擦瘡上仍以兩手搓藥聞藥氣神効香疥藥 治風癬瘡黃水瘡疥瘡牛皮癬瘡

輕粉

水銀

樟腦

各三錢

大楓子

去殼

川椒

各四錢

粒

柏油燭

對杏仁

許少

右為細末疥用絹包裏瘡上尉黃水瘡搔上此藥功

効如神

八仙散 治遊風腫痒疥癬瘡或因洗頭遊風瘙痒生

瘡

細辛 荆芥 白芷 黃芩 川芎 防風 地

骨皮

甘草

各等分共為粗末

右每用藥二錢水二盞煎十沸去滓熱搗患處

一上散 治諸般疥癬必効

雄黃

通明手可碎者

熟硫黃

黑狗脊

蛇床子

炒各半兩

寒

水石

六錢蟹螯

三個去翅足研碎



右另研雄黃硫黃寒水石如粉次入蟹螯和勻蛇床  
黑狗脊另為細末同研勻洗疥癬令湯透去痂油調  
手中擦熱鼻中嗅兩三次擦上可一上即愈如痛甚  
腫滿高起者加寒水石一倍如不痛痒只加狗脊如  
微痒只加蛇床子如瘡孔中有蟲加雄黃如患火灸  
湯盪者加硫黃只嗅不止亦可愈

治一切男子女人渾身疥癬一家傳染經年搔痒不效  
者

百部

半兩  
碎切

亂髮

木香

碎切

檳榔

捷

苦參

碎切  
各一兩

川

椒

三

銖鯽魚

一個不要見  
水切成片

右以油五兩煎前藥得所去藥却用麝香一分膩粉拾錢硫黃雄黃各半兩同研令勻入在油內更煎攪五七沸瀉出磁器盛之非時使也

五龍膏

治疥癬

硫黃

白礬

白芷

吳茱萸

川椒

各等分

右為細末煎真麻油候冷將前項藥末調勻每早晚

塗之

楓實膏 治風瘡燥痒疥癬

大楓子肉

兩半


輕粉

枯礬

各些

少

右搗為膏擦瘡上



證治準繩卷一百十五